

SKRINEN DI POBLASHON


PA KANSER NA PECHU

SKRINEN DI KANSER NA PECHU

Fundashon Prevenshon ta ofresé e foyeto aki di informashon tokante kanser na pechu na tur hende muhé. Kanser di pechu ta un tumor maligno ku ta krese den bo pechu. Despues di un tempu kanser di pechu por plama pa otro parti i órganonan na bo kurpa.

MOTIBU DI SKRINEN DI POBLASHON

Skrinen di poblashon ta un investigashon médiko. Kanser na Pechu ta e kanser mas frekvente serka hende muhé. Na Kòrsou ta registrá 80 pa 100 kaso nobo kada aña. Kanser di pechu ta manifestá mayoria biaha den hende muhé ku tin mas ku 45 aña di edat.



- Tehido d'sosten
- Repchi
- Glándula di pechu
- Muskulo pektoral
- Tubu di lechi
- Bigui

INVITASHON PA HASI UN MAMOGRAFÍA

Fundashon Prevenshon ta invitá tur hende muhé di 45 pa 75 aña di edat pa tuma parti na e Skrinen di Poblashon pa Kanser di Pechu. Kada 2 aña bo ta risibí un karta di invitashon na kas.

DATO PERSONAL

Di Kranshi nos ta haña bo nòmber, adrès i fecha di nasementu. Nos tin pèrmit pa usa dato personal solamente pa invitá bo na e skrinen.

BO MES TA DISIDÍ SI BO KE PARTISIPÁ

Bo por usa e informashon den e foyeto aki pa determiná si bo ta tuma parti na e skrinen.

KIKO TA SOSODÉ SI TIN UN IREGULARIDAT SOSPECHOSO RIBA E POTRÈT

Mayoria iregularidat sospechoso riba e mamografía no ta nifiká ku bo tin kanser di pechu. Solamente un tersera parti di e kasonan ku iregularidat por resultá di ta kanser.

RADIÓLOGO TA DUNA RESULTADO DI BO MAMOGRAFÍA

Dos radiólogo independiente ta evaluá bo mamografía. Nan ta kompará e potrèt nobo ku esnan di aña anterior pa detektá kambio den e tehido di e pechunan. Tin biaha e radiólogo ta mira un iregularidat ku despues tòg por resultá di ta kanser. Pues no ta detektá tur kaso di kanser na pechu durante skrinen. Nos ta komuniká ku bo dòkter di kas pa e por yama bo i guiá bo pa hasi tèst adishonal. Bo dòkter di kas ta risibí resultado di bo mamografía denter di 2 siman. Yama bo dòkter di kas pa e resultado.

FORMULARIO DI KONSENTIMENTU

Esaki ta e formulario ku bo ta firma pa duna Fundashon pèrmit pa pidi resultado di bo dato médiko i tèstnan adishonal bieu si ta nesesario.



fundashon **prevenshon**

Caribbean Prevention Center Fundashon Prevenshon

Rialtostraat 2-4 Molenplein, Otrobanda
Orario di Ofisina: djaluna pa djabièrnè di 8 am pa 5 pm.

Tel: +599 9 462 3380 | 0800 1811 (grátis)
Email: info@fundashonprevenshon.com
Facebook: FundashonPrevenshon



fundashon **prevenshon**

KEN I KI ORA BO NO TIN NODI DI PARTISIPÁ

Ora bo ta bou di tratamentu kaba di spesialisista pa iregularidat na bo pechu. Si bo tin kualke duda i bo ke konsultá ku bo spesialisista òf dòkter di kas promé.

E APARATO DI SAKA MAMOGRAFÍA



TEP PA E DIA DI BO SITA

Bisti un blusa ku ta fásil pa kita i bisti bèk. No hunta krema, puiro, òf loшон riba bo pechunan promé ku skrinen.

DIA DI BO SITA

Den bo karta di invitashon ta indiká fecha i ora reservá pa bo bin hasi bo tèst. Trese ku bo, e karta di invitashon, bo sédula, reibeweis òf pasport; Trese un karta di garantia si bo Kompania di seguro ta eksigí esaki.

TRANSPORTE DI BUS

Yama nos si bo ta deseá pa hasi uso di transporte grátis di bus di Fundashon Prevenshon. Nos ta buskabo i hibabo kas bèk.



IMPORTANTE

Si bo nota un kambio den bo pechunan, bai bo dòkter di kas mesora. Sigui kontrolá bo pechunan bo mes tambe ounke bo a kaba di bai e skrinen.

KONSULTÁ KU BO DÒKTER DI KAS

- Si bo ta sinti un pipita den bo pechu
- Si bo ta mira un hundí den bo pechu
- Si e kúrtis di bo pechu ta mas diki ku normal
- Si bo nota kambio na e bigui òf ku tin sanger ta sali for di bo bigui
- Si bo sinti bo pechu straño òf diferente

POR FAVOR TUMA KONTAKTO KU FUNDASHON PREVENSHEON PA INFORMASHON ÈKSTRA

- Si bo no a haña karta di invitashon nunca;
- Si bo no ta alkansá dia di bo invitashon i bo ta deseá pa traha un otro sita;
- Si bo ta den ròlstul òf si bo no ta kana bon;
- Si bo tin implante den bo pechunan.